



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration
Operational Center

Broj: 04-44-1-21/19
Sarajevo, 27.05.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 24.05.2019. do 07:00 sati 27.05.2019. godine

U izvještajnom periodu Kantonalni operativni centar civilne zaštite primio je tri informacije o pronalasku NUS-a i to:

- dana, 25.05.2019. godine u 16:20 sati od Policijske stanice Trnovo, da je u mjestu Kerlet Luke, pronađena jedna ručna bomba,
- dana, 26.05.2019. godine u 13:00 sati od Policijske stanice Hadžići, da je u mjestu Binježevo, pronađena jedna ručna bomba,
- dana, 26.05.2019. godine u 13:20 sati od Policijske stanice Vogošća, da je u ul. Lug br. 6., pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su jednu veću i 11 manjih intervencija. Veću intervenciju su imali dana, 24.05.2019. godine u 10:00 sati u ul. Geteova br. 2., Općina Novi Grad, gdje je došlo do požara u stanu na 11. spratu zgrade. Požar je lokalizovan u 10:10 sati, a likvidiran u 10:32 sata. U gašenju požara učestvovalo je devet vatrogasaca sa tri vatrogasna vozila. Pričinjena manja materijalna šteta.



Manje intervencije su bile slijedeće: jedna intervencija na gašenju zapaljenog smeća na otvorenom prostoru (deponija smeća), jedna intervencija na gašenju zapaljenog smeća u devastiranom objektu, tri intervencije na gašenju zapaljenog smeća u kontejneru, jedna intervencija na gašenju zapaljenog dimnjaka, tri tehničke intervencije (jedna na otvaranju lifta, jedna na otvaranju vrata i jedna na otvaranju prozora) i dva obezbjeđenja na pretakanju goriva na Međunarodnom aerodromu Sarajevo.

NAPOMENA: U protekla 24 sata pripadnici Profesionalne vatrogasne jedinice imali su dvije manje intervencije i to: jednu intervenciju na gašenju smeća na otvorenom prostoru (deponija smeća) i jednu intervenciju na gašenju smeća u devastiranom objektu.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 13°C, vlažnost zraka 85%, barometarski pritisak 940 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvođe planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1